



Sarajevo, 19.11.2020.
Broj: NO -10-31793/20 - 33./4.1.

Obrazloženje
prijedloga Statuta o izmjenama i dopunama Statuta
Javnog preduzeća Elektroprivreda Bosne i Hercegovine d.d. - Sarajevo

Na osnovu Elaborata "Koncept nove organizacije EP BiH sa fokusom na organizaciono razdvajanje Djelatnosti distribucije i prilagođavanje poslovanju na otvorenom tržištu električne energije" (august 2020. godine), Uprava Društva je na 38. sjednici održanoj dana 15.09.2020.g. i 49. sjednici održanoj dana 11.11.2020. godine utvrdila nacrt, a Nadzorni odbor Društva je na 33. sjednici održanoj 19.11.2020. godine utvrdio prijedlog Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d.-Sarajevo.

Prijedlogom Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo predlaže se izmjena člana 22. Statuta na način da se djelatnost snabdijevanja organizuje samo u organizacionim jedinicama u sjedištu Društva, te izmjena člana 23. Statuta na način da se brišu podružnice Društva navedene u djelatnosti snabdijevanja, a za koje nije donesena odluka o osnivanju nakon donošenja Statuta 2016. godine, te podružnica "Elektrodistribucija", Goražde.

Elaboratom "Koncept nove organizacije EP BiH sa fokusom na organizaciono razdvajanje Djelatnosti distribucije i prilagođavanje poslovanju na otvorenom tržištu električne energije", u Poglavlju 6. „Uporedna analiza opcija za izdvajanje Djelatnosti snabdijevanja iz distributivnih podružnica EP BiH sa prijedlogom optimalne organizacione opcije“, utvrđeno je da nije racionalno formiranje podružnica elektrosnabdijevanja, što predstavlja razlog za predloženo brisanje 7 podružnica elektrosnabdijevanja iz Statuta JP Elektroprivreda BiH d.d. - Sarajevo.

Pored navedenog, prijedlogom Statuta predložene su izmjene i dopune u dijelovima u kojima je u primjeni Statuta uočena potreba za izmjenom, odnosno drugačijim uređenjem određenog pitanja. U tom smislu neke od predloženih izmjena i dopuna su:

- dopuna člana 29. Statuta (Interesi), kojom se, pored predsjednika i članova Nadzornog odbora, generalnog direktora i izvršnih direktora, obaveza proširuje i na direktore podružnica;
- važeća odredba člana 93. stav 3. tačka 10. Statuta predviđa da generalni direktor imenuje direktore i tehničke direktore podružnica i to na prijedlog izvršnih direktora djelatnosti, a u slučaju tehničkih direktora i na prijedlog direktora podružnica. S obzirom da je Uprava Društva donijela Odluku o uvjetima i postupku imenovanja direktora podružnica, koja je propisala proceduru imenovanja na osnovu javne konkursne procedure, cijenimo da nije neophodno u Statutu navoditi da se direktori i tehnički direktori podružnica imenuju na prijedlog izvršnih direktora djelatnosti. Umjesto dosadašnjeg statutarnog opredjeljenja, predlaže se da Statutom bude utvrđeno da direktore i tehničke direktore podružnica imenuje generalni direktor, a da će uvjeti i postupak imenovanja biti propisani posebnim aktom Uprave Društva. U tom smislu, prijedlogom se predlažu



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
161000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Zenica, Safvet bega Bašagića 6

odgovarajuće izmjene člana 93. Statuta u dijelu koji propisuje nadležnost za imenovanje direktora i tehničkih direktora podružnica. Također, u istom članu se predlažu izmjene odredbi koje propisuju nadležnost za imenovanja rukovodilaca sektora i samostalnih službi organiziranih uz izvršne direktore i pomoćnike generalnog direktora. Dosadašnje statutarno rješenje je bilo da ova lica imenuje Generalni direktor na prijedlog izvršnih direktora odnosno pomoćnika generalnog direktora. Prijedlogom se predlaže da rukovodiocem sektora i rukovodiocem samostalnih službi organiziranih uz izvršne direktore imenuje Generalni direktor, a uvjeti i postupak imenovanja će biti propisani posebnim aktom Uprave Društva.

- u članu 96. Statuta (Prestanak funkcije) koji uređuje prestanak funkcije generalnom direktoru i izvršnim direktorima, u stavu (1) predlaže se brisanje tačke e). Navedenom odredbom trenutno je predviđeno da, između ostalih razloga, članovima Uprave funkcija prestaje "*prestankom radnog odnosa u Društvu*". Analizom navedene statutarne odredbe utvrdili smo da je ista praktično neprimjenjiva. Naime, u praksi se ne može dogoditi da članu Uprave prestane radni odnos, pa da se nakon toga odlučuje o prestanku funkcije. Kada bi se dogodilo da član Uprave ispuni neki od zakonskih uslova za prestanak radnog odnosa, prvo bi se odlučivalo o njegovoj funkciji, tj. o prestanku funkcije člana Uprave, pa tek onda u drugom postupku o njegovom radno-pravnom statusu kao radnika. Kako odlučivanje o statusu funkcije prethodi odlučivanju o radno-pravnom statusu, proizilazi da trenutna odredba prema kojoj funkcija člana Uprave prestaje *prestankom radnog odnosa u Društvu* nema praktični značaj. Stoga se prijedlogom predlaže brisanje tačke e) člana 96. stav 1. Statuta.

U istom članu, izmijenjen je stav (5) na način da dosadašnji otkazni rok u trajanju od 30 dana može biti i kraći u slučaju sporazuma.

- u članu 99. Statuta (Direktor podružnice), predlaže se dopuna sa novom odredbom kojom bi bilo regulisano da mandat tehničkog direktora traje do isteka vremena na koje je imenovan direktor podružnice i na istu funkciju može biti ponovo biran.
- u članu 101. Statuta (Prestanak funkcije direktora podružnice) predlaže se izmjena stava (2), u kojem se predviđa da u slučaju nastanka smetnje za obavljanje dužnosti, direktor podružnice je dužan da pored generalnog direktora o tome obavijesti i izvršnog direktora nadležnog za djelatnost podružnice;
- u članu 107. Statuta (Odgovorna lica), kojim se reguliše koja lica, u skladu sa Zakonom o javnim preduzećima, se smatraju odgovornim licima, predlaže se dopuna tako da se doda tekst "tehnički direktori".
- u članu 120. Statuta (Prethodna pisana saglasnost) dodaje se da predstavnici Društva u organima zavisnih društava moraju dobiti prethodnu pisanu saglasnost Nadzornog odbora Društva i za donošenje dugoročnog plana razvoja zavisnog društva;
- u članu 122. Statuta (Usklađivanje općih akata zavisnih društava) predlaže se da se posebnim aktom Uprave utvrdi koji opći akti zavisnog društva ne smiju biti u suprotnosti sa odgovarajućim aktima Društva;
- u članu 123. stav (3) Statuta (Punomoćnik i predstavnik u organima zavisnih društava) precizirano je da funkciju Skupštine vrši Društvo putem punomoćnika, a ne punomoćnik kako je trenutno navedeno.

Završnim odredbama prijedloga Statuta utvrđuje se da se Statut o izmjenama i dopunama Statuta primjenjuje od dana stupanja na snagu, izuzev odredbe člana 1. kojom se mijenja član 22. Statuta, a koja se primjenjuje od dana početka primjene Pravilnika o organizaciji JP Elektroprivreda BiH d.d. – Sarajevo



Vilsonovo šetalište 15, 71000 Sarajevo, BiH,

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
1610000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektro distribucija», Bihać, Bosanska 25
«Elektro distribucija», Mostar, Adema Buča 34
«Elektro distribucija», Sarajevo, Zmaja od Bosne 49
«Elektro distribucija», Tuzla, Rudarska 38
«Elektro distribucija», Zenica, Safvet bega Bašagića 6

kojim će biti regulisana organizacija djelatnosti snabdijevanja samo u sjedištu Društva. Naprijed navedeno se predlaže uzimajući u obzir činjenicu da se trenutno, u skladu s važećim Pravilnikom o organizaciji, djelatnost snabdijevanja obavlja kako u sjedištu, tako i u podružnicama Društva.

Imajući u vidu sve naprijed navedeno, predlaže se Skupštini Društva da donese Statut o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo.

U skladu sa članom 3. stav (1) tačka a) i stav (2) i članom 6. Odluke o prethodnoj verifikaciji akata u JP Elektroprivreda BiH d.d. – Sarajevo, broj: NO-34929/13-31/4. od 28.11.2013. godine, potvrđena je zakonitost, stručnost u obradi, ispravnost i opravdanost donošenja Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. - Sarajevo.

Predsjednik
Nadzornog odbora
dr.sci. Izet Žigić



Prilog: Prijedlog Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. - Sarajevo



Vilsonovo šetalište 15, 71000 Sarajevo, BiH,

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
3389002208746755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
161000005160023 - Raiffeisen Bank d.d. BiH Sarajevo
1990490176075902 - Sparkasse Bank d.d. BiH Sarajevo
1401011110000812 - Sberbank BH d.d. Sarajevo
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Čatići
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Zenica, Safvet bega Bašagića 6



PRIJEDLOG STATUTA
o izmjenama i dopunama Statuta
Javnog preduzeća Elektroprivreda Bosne i
Hercegovine d.d. - Sarajevo

koga Skupštini Društva u niže izloženom tekstu
radi donošnja upućuje:

Nadzorni odbor
JP Elektroprivreda BiH d.d. - Sarajevo
Predsjednik

dr. scj. Izet Žigić

Sarajevo, 19.11.2020. godine

STATUT
o izmjenama i dopunama Statuta
Javnog preduzeća Elektroprivreda
Bosne i Hercegovine d.d. - Sarajevo

Na osnovu člana 121. i člana 234. Zakona o privrednim društvima (“Službene novine Federacije Bosne i Hercegovine”, broj 81/15), _____ Skupština Javnog preduzeća Elektroprivreda Bosne i Hercegovine d.d. - Sarajevo je, dana _____ 2020. godine, donijela

**Statut
o izmjenama i dopunama Statuta
Javnog preduzeća Elektroprivreda Bosne i Hercegovine d.d. - Sarajevo**

Član 1.

U članu 22. Statuta Javnog preduzeća Elektroprivreda BiH d.d. – Sarajevo, broj: SD - 5211/16 - 38/2. od 29.03.2016. godine i broj: SD-18295/18-51/5. od 19.07.2018. godine (u daljem tekstu: Statut) stav (3) se mijenja i glasi:

„(3) Djelatnost Snabdijevanja električnom energijom u Društvu se organizuje u organizacionim jedinicama u sjedištu Društva.“

Član 2.

U članu 23. Statuta, stav (2) se mijenja i glasi:

„(2) Podružnice Društva za djelatnost Distribucije električne energije su:

- 1. “Elektrodistribucija”, Bihać;*
- 2. “Elektrodistribucija”, Mostar;*
- 3. “Elektrodistribucija”, Sarajevo;*
- 4. “Elektrodistribucija”, Travnik;*
- 5. “Elektrodistribucija”, Tuzla;*
- 6. “Elektrodistribucija”, Zenica.”*

U istom članu Statuta stav (3) se briše.

U istom članu Statuta, dosadašnji stavovi (4) i (5) postaju stavovi (3) i (4).

Član 3.

U članu 29. Statuta dodaju se stavovi (4), (5) i (6) koji glase:

„(4) Direktori podružnica dužni su prijaviti Upravi Društva svaki direktni i indirektni interes u pravnom licu sa kojim Društvo ima ili namjerava da stupi u poslovni odnos.

(5) U slučaju iz stava (4) ovog člana direktori podružnica mogu učestvovati u tom poslovnom odnosu na osnovu pisane saglasnosti Uprave Društva.

(6) U slučajevima ličnog interesa i sukoba interesa na odgovarajući način se primjenjuju odredbe Zakona o privrednim društvima i drugih propisa koji reguliraju ova pitanja.“

Član 4.

U članu 93. u stavu (3) u tački 10. Statuta, podtačke b), c) i d) se mijenjaju i glase:



„b) direktore podružnica Društva;
c) tehničke direktore podružnica Društva;
d) rukovodioce sektora i samostalnih službi organiziranih uz izvršne direktore i pomoćnike generalnog direktora“.

U istom članu Statuta, stav (5) se mijenja i glasi:

„Uvjeti i postupak imenovanja direktora podružnica i tehničkih direktora podružnica uređuju se posebnim aktom Uprave Društva.“

U istom članu Statuta, dodaje se stav (6) koji glasi:

„Uvjeti i postupak imenovanja rukovodilaca sektora i službi organiziranih uz izvršne direktore i pomoćnike generalnog direktora, te rukovodilaca samostalnih organizacionih jedinica uz Upravu Društva uređuje se posebnim aktom Uprave Društva.“

Član 5.

U članu 96. u stavu (1) Statuta, tačka e) se briše.

U istom članu Statuta, stav (5) se mijenja i glasi:

“(5) Ako član Uprave podnese ostavku ili sporazumno prestane biti član Uprave dužan je nastaviti obavljanje poslova u otkaznom roku od 30 dana, osim u slučaju sporazuma da otkazni rok bude kraći.”

Član 6.

U članu 99. Statuta, dodaje se novi stav (4) koji glasi:

„(4) Mandat tehničkog direktora traje do isteka vremena na koje je imenovan direktor podružnice i na istu funkciju može biti ponovo biran.“

Dosadašnji stav (4) postaje stav (5).

Član 7.

U članu 101. Statuta, stav (2) se mijenja i glasi:

“Direktor podružnice dužan je da obavijesti izvršnog direktora nadležnog za djelatnost podružnice i generalnog direktora da su nastale smetnje za obavljanje dužnosti.”

Član 8.

U članu 107. Statuta, iza dijela teksta „direktori podružnica,“ dodaje se tekst: „tehnički direktori,“.

Član 9.



U članu 120. Statuta dodaje se nova tačka d) koja glasi:

„d) dugoročni plan razvoja;“

Dosadašnje tačke d) –f) postaju tačke e) - g).

Član 10.

Član 122. Statuta se mijenja i glasi:

“Posebnim aktom Uprave će biti utvrđeno koji opći akti zavisnog društva ne smiju biti u suprotnosti sa odgovarajućim aktima Društva.”

Član 11.

U članu 123. u stavu (3) Statuta riječ „punomoćnik“ mijenja se tekstem: „*Društvo putem punomoćnika*“.

Član 12.

Ovaj Statut o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo stupa na snagu osmog dana od dana objavljivanja na oglasnoj ploči Društva.

Ovaj Statut o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo primjenjuje se od dana stupanja na snagu, izuzev odredbe člana 1. koja se primjenjuje od dana početka primjene Pravilnika o organizaciji JP Elektroprivreda BiH d.d. – Sarajevo kojim će biti regulisana organizacija djelatnosti snabdijevanja samo u sjedištu Društva.

Broj:
Sarajevo,

Predsjednik
Skupštine Društva